

## МЕСЯЦА ОКТЯБРЯ В 13-й ДЕНЬ

### ПРАЗДНОВАНИЕ ПРЕСВЯТЕЙ БОГОРОДИЦЕ В ПАМЯТЬ ПРЕНЕСЕНИЯ ЧУДОТВОРНОЙ ЕЯ ИКОНЫ, ИВЕРСКИЯ В МОСКВУ (1648 г.)

#### НА МАЛЕЙ ВЕЧЕРНИ

##### На Господи, возвах: стихиры, глас 1:

Приидите, вси людие, / верою сошедшеся, / прославим Владычицу Богородицу, / Заступницу рода нашего, / и, обстояще честную икону, / любезно облобызаим ю, глаголюще: / радуйся, Пречистая Дево, / радуйся, Мати Господа Вышняго, / радуйся, покрове и спасение душ наших.

Радуйся, Афонская горо, / слава бо Господня на тебе возсия. / Яко бо многосветлая звезда, / прииде от востока к западу, / в столпе огненне явися икона Богоматере, / озаряющи Афон своим пришествием.

Якоже Моисею в Синаи купина явися иногда, / огнем убо опаляема, / и невреждена пребывши, / тако и Всенепорочныя священный образ / огнем одевается и неопалимь пребывает, / освящая взирающия с верою на него.

Грядите радостно, / иноков афонских лица, / почерпите благодать неоскудную от иконы Богоматере, / огнем блистающияся, / и примите с верою и любовью: / яко во стену и ограждение обителем вашим преславно даруется, / да покрывает вас от всех враг видимых и невидимых.

##### Слава, и ныне, глас 5:

Приидите, людие, / чудотворному и всечестному поклонимся Божия Матере образу, / егоже дарова обители Иверстей / яко стража неусыпна и необорима: / ограждает бо святую обитель / и вся живущия на Афоне / Своим покровом / и дарует обильныя дары исцелений / от неистоцимаго источника святыя иконы всем, / тую почитающим. / Темже воспевающе, / воззовем Первообразней: / радуйся, мирови помощи и утешение душ наших.

#### Прокимен дне.

##### На стиховне стихиры, глас 2:

Вместилище чистое Света / Пречистаго, Богородице, / славим Тя и поем, раби Твои, / яко явлением / пречестныя Твоя иконы нас освящаеши.

**Стих:** Воскресни, Господи, в покой Твой, Ты и кивот святыни Твоя.

Слава Тебе, Христе Царю, / слава многому о нас милосердию, / ибо даровал еси икону / Твоя Пречистыя Матере, / благодати токи нам / неоскудно изливающую.

**Стих:** КлятсЯ Господь Давиду истиною и не отвержется ея.

Днесь, благовернии людие, / светло празднуем, / осеняеми иконы Богоматере пришествием, / с верою приемлюще в ней стража нам неотступна, / и возопиим Богородице: / покрый нас от всякаго зла и спаси души наша.

### **Слава, и ныне, глас 6:**

**П**ритецем к тихому пристанищу / и Заступнице рода нашего, / Деве Марии, / поклонимся честному Ея ангелы почитаемому образу, / умильно зовуще: / призри, Благосердая Мати, / на лютыя скорби, нас обдержашия, / и исцели болезни душ наших.

### **Тропарь Богородице, глас 1:**

**Д**ерзость ненавидящих образ Господень / и держава нечестивых безбожно в Никею прииде, / и посланнии безчеловечно вдовицу, благочестно чтущую икону Богоматере, / истязуют, но тая нощию с сыном икону в море пусти, вопиющи: / слава Тебе, Чистая, яко непроходимое море плещи своя подаде, / слава правошествию Твоему, Едина Нетленная.

### **Слава, и ныне, ин тропарь, глас тойже:**

**О**т святяя иконы Твоя, о Владычице Богородице, / исцеления и цельбы подаются обильно, / с верою и любовию приходящим к ней. / Тако и мою немощь посети / и душу мою помилуй, Благая, / и тело исцели благодатию Твоею, Пречистая.

### **Ектения и отпуст.**

## **НА ВЕЛИЦЕЙ ВЕЧЕРНИ**

### **На Господи, воззвах: стихиры на 8,**

#### **Глас 5:**

**К**расуйся, Афоне, / радуйся и веселися, обитель Иверская: / се бо грядет чудная икона Богоматере, / ангелы по морю дориносима, / светом неизреченным сияющи, / мрак скорбей и печалей прогоняющи / и всех лучами своея милости озаряющи.

**Т**ебе припадают, Госпоже, / иноков лица и постников сословия / и, любезно взирающе на святую икону Твою, вопиют Ти: / прииди к нам, Благая Мати, / ущедрю чтущия Тя / и даруй нам святой образ Твой / в залог милости и спасения.

**О**, преславного чудесе! / Якоже бо Моисею в Синаи купина явися иногда, / огнем убо опаляема и невредима пребывши, / сие и Всенепорочныя Богородительницы образ / огнем одевается, / но неопалим пребывает, / просвещая и нас, сущих во мраце, / и невредимы в печи искушений и бед сохраняя.

**Г**ряди, Гаврииле, / сними немокренными ногами в море / и приими во объятия икону Богоматере на радость Афону, / на ограждение обители Иверския / и всем христианом во утешение.

**Б**огородице Дево, державная Помощнице, / ныне обитель Иверская о Тебе хвалится и веселится, / имущи Тя Заступницу непостыдную / и стену нерушиму, / основание непоколебимо, / стража неусыпна. / Не престай, Госпоже, Твоими молитвами / и всегда избавляти обитель Твою / и вся люди от всех напастей.

**П**одаждь утешение рабом Твоим, Чистая, / напастями одержимым, / и рог верных вознеси, Богородительнице, / спаси молитвами Твоими обитель сию / и грады православныя, / укрепи на враги славящие Тя, / вся верныя рабы, / хвалящая Тя, защити.

**П**речистая Твоя икона, Богородице Дево, / врачевство духовное всего мира явися: / к нейже прибегаем. / Тебе поклоняющемся, почитаем и лобызаем ю / и исцелений благодать получаем, / недугов душевных и телесных страстей / Твоими молитвами свободяющемся.

**Я**ко порфирию царскою и виссом, / иконою Твоею и Твоего Сына, Богородице, / обитель Иверская украсившися, / днесь сияет чудесы, / благодатию Святаго Духа / паче света солнечнаго блистающися: / в той бо на болящих и недужных / исцеления изливаются / и всем даруется богатая милость.

#### **Слава, и ныне, глас 8:**

**О** Мати Благая, Госпоже Богородице Дево! / Не отрини нас, смиренных раб Твоих, / пред пречистою Твоею иконою / недостойныя молитвы приносящих, / буди теплая ходатаица о нас, грешных, / к Сыну Твоему, / избави нас от всех бед и искушений, / да спасаеми Тобою, выну вопием Ти: / радуйся, Благая Вратарнице, / двери райския нам отверзающая.

#### **Вход. Прокимен дне и чтения.**

### **Бытия чтение. [Глава 28.]**

**И**зыде Иаков от студенца клятвеннаго и иде в Харрань. И обрете место, и спа тамо: зайде бо солнце. И взят от камня места того и положи возглавие себе, и спа на месте оном. И сон виде: и се лествица утверждена на земли, еяже глава досязаше до небес, и ангели Божии восхождаху и низхождаху по ней. Господь же утверждашеся на ней и рече: Аз Бог Авраамов, отца твоего, и Бог Исааков, не бойся: земля, идеже ты спиши на ней, тебе дам ю и семени твоему. И будет семья твое, яко песок земный, и распространится на море, и ливу, и север, и на востоки, и возблагодарятся о тебе вся колена земная, и о семени твоём. И се Аз с тобою, сохраняяй тя на всяком пути, аможе аще пойдеш, и возвращу тя в землю сию: яко не имам тебе оставить, дондеже сотворити Ми вся, елика глаголах тебе. И воста Иаков от сна своего, и рече: яко есть Господь на месте сем, аз же не ведех. И убоися, и рече: яко страшно место сие; несть сие, но дом Божий, и сия врата Небесная.

### **Исхода чтение. [Глава 3.]**

**М**оисей бяше пасый овцы Иофора, тестя своего, священника Мадиамска, и гнаше овцы в пустыню; и прииде в гору Божию Хорив. Явися же ему ангел Господень в пламени огненне из купины; и видит, яко купина горит огнем, купина же не стараше. Рече же Моисей: мимошед, увижду видение великое сие, яко не сгарает купина. Егда же виде Господь, яко приступает видети, воззва его Господь из купины, глаголя: Моисее, Моисее. Он же рече: что есть, Господи? Он же рече: не приближайся семо; изуй сапоги от ног твоих: место бо, на немже ты стоиши, земля свята есть.

### **Исхода чтение. [Глава 13.]**

**Об**веде Бог люди путем, иже в пустыни, к Чермному морю: пятого же рода изыдоша сынове Израилевы от земли Египетския. И взя Моисей кости Иосифовы с собою, клятвою бо закла Иосиф сыны Израилевы, глаголя: присещением присетит вас Господь, и изнесете отсюду кости моя с собою. Воздвигшеся же сынове Израилевы от Сокхофа, ополчишася во Офоме при пустыни. Бог же вождаше их: в день убо столпом облачным показати им путь, нощию же столпом огненным светити им. И не оскуде столп облачный во дни, и столп огненный нощию пред всеми людьми.

### **На литии стихиры, глас 8:**

**П**риидите, празднолюбцы и постников сословие, / верою сошедшеся, / хвалебныя песни принесем Марии Приснодеве, / днесь бо наста светлое торжество, / явление честныя Ея иконы Иверския, / юже обстояще со страхом и любовию, воспоим Богородице: / радуйся, неисповедимая радости всем; / радуйся, образом Твоим святым нас просвещающая; / радуйся, всем похвало и утверждение; / радуйся, спасение душ наших.

**Ч**то Тя наречем, Богородице Дево: / столп ли огненный, / к вечному наследию нас ведущий; / стену ли крепкую, / яко православный род защищаеши; / стража ли неусыпна, / яко обитель Твою охраняеши и спасаеши. / Темже от належащих бед

избавляеми, возопиим Владычице: / радуйся, благих виновная, известное христиан упование.

**Слава, и ныне, глас 5:**

**Р**адуется Афон, / ликовствует обитель Иверская, / торжествует и вся страна Российская: / Божия бо Матерь чудотворным Своим образом / милостивно нас посетила есть, / дарует же нам в нуждах помощь, / в скорбех утешение, / в болезнях исцеление, / в бедах избавление и всем верным велию милость.

**На стиховне стихиры, глас 4:**

**С**лавное иконы Твоя явление, / Богородице Пренепорочная, / славословим днесь и Твое заступление нам празднуем, / яко бо Мати сущи Живота, / молиши о нас Христа Бога нашего, / на Тя крепкую надежду возложивших, / Путеводительнице неложная нашего спасения.

**Стих:** Помяну имя Твое во всяком роде и роде.

**О**тложим, вернии, печаль: / се бо вторая неопалимая купина, / икона Богоматере, / иноки афонскими зримая, / на очищение грешных является.

**Стих:** Слыши, Дщи, и виждь, и приклони ухо Твое.

**Н**азнаменующи во странствии житейстем Твое / нам водительство, являешися, Богомати, / в столпе огненне, / да нас, блуждающих, / путеводиши к вечным обителем.

**Слава, и ныне, глас 5:**

**П**риидите, вси монаси и мирстии, / прославим Пречистую Деву Богородицу: / днесь бо, ради священныя иконы, / в мори путие Ея и стези Ея в водах многих: / от Никеи бо в столпе огненне / понт морской ко Афону переходит / и дар пришествием Своим верным подает. / Мы же, просвещаеми лучами благодати, / Ходатаицу спасения нашего ублажаем.

## **НА УТРЕНИ**

### **По 1-й кафисме седален, глас 1:**

**Пр**есветлаго зрака Твоего / явление радость приносит всем верующим / и обители Иверстей / дарует стража неусыпна / и от бед избавление. / Темже поем Ти, Пречистая: / покрывай нас присно покровом Твоим.

### **Слава, и ныне, глас 8:**

**С**ей день Господень, / радуйтесь, людие, / се бо светоносный облак на воздухе / чудно простирается, / и столпом огненным пред Афоном / явлется Едина и Единого / на руках Матерних держащи Христа, / Зиждителя вселенныя, / во спасение душ наших.

### **По 2-й кафисме седален, глас 3:**

**В**еселятся днесь светло Афона паствы, / песней множество слагают, / любовь Непорочную почитающе, / величеством благодати красящися, / юже приша пришествием иконы / Всенепорочныя Отроковицы, / зарями Боговедения / благочестно поющих озаряющия.

### **Слава, и ныне, глас 5:**

**Ч**удо преславное зрится днесь: / в водах бо огненосная Богоотроковицы икона показуется, / и знаменья лучи испускает, / и пребывание постников чудом спасает. / Сего ради благодарственно вопием: / радуйся, Благодатная.

### **Величание:**

**В**еличаем Тя, Пресвятая Дево, Богоизбранная Отроковице, и чтим образ Твой святыи, имже точиши исцеления всем, с верою притекающим.

**Псалом избранный: Помяни, Господи, Давида и всю кротость его:**

### **По полиелеи седален, глас 8:**

**В**еличие Твое кто исповестъ, / Богородице, / явлением бо Твоя иконы удивила еси / вся православныя, / многия недуги врачующи и болезни исцеляющи. / О Всемилостивая Владычице, / не лиши нас и ныне Твоего заступления, / но молитвами Твоими / защити и спаси православныя люди / и силою Твоею огради, / да Тобою хвалящися / и все упование на Тя возлагающе, / не постыдимся во веки.

### **Слава, и ныне, тойже.**

### **Степенна, глас 4. Антифон 1-й, ихже стихи повторяюще поем:**

**О**т юности моя / мнози борют мя страсти, / но Сам мя заступи, / и спаси Спасе мой.

**Н**енавидящии Сиона, / посрамитесь от Господа, / яко трава бо огнем / будете изсохше.

**Слава:** / Святым Духом / всяка душа живится, / и чистотою возвышается, / светлеется Троическим Единством священнотайне.

**И ныне, тойже.**

**Прокимен, глас 4:**

**Прокимен:** Помяну имя Твое во всяком роде и роде.

**Стих:** Отыгну сердце мое слово благо. Всякое дыхание да хвалит Господа.

**Стих:** Хвалите Бога во святых Его.

**Евангелие Луки, зачало 4.**

Воста́вши же мрѣ́имъ во дни тѣмъ, ѿде въ гóрнѣмъ со тѣ́мъ, во гра́дъ ѱдо́въ: и вни́де въ до́мъ захáрїинъ и цѣ́ловà е́лїсавѣть. **И** вѣсть ѿкъ о́услы́ша е́лїсавѣть цѣ́ловáнїе мрѣ́ино, възграса млада́нецъ во чрѣвѣ́ е́л: и испóлниса дх̑а ст҃а е́лїсавѣть, и возопи́ гла́сомъ вѣ́лїимъ, и рече́: блáгвѣна ты въ жена́хъ, и блáгвѣнъ пло́дъ чрѣ́ва твоегò: и ѿкѣ́дъ мнѣ́ сѣ, да прї́идетъ мѣ́ти гд̑а моегò ко мнѣ́; сѣ бо, ѿкъ вѣсть гла́съ цѣ́ловáнїа твоегò во о́ушїю мо́ю, възграса млада́нецъ рáдошамнн во чрѣвѣ́ мо́емъ: и блáженна вѣ́ровавшаа, ѿкъ вѣдетъ соверш́енїе гл̑гòланнымъ ѿ гд̑а. **И** рече́ мрѣ́имъ: вели́читъ дш̑а моа́ гд̑а, и возра́довася дх̑ъ мо́й о́ вѣ́ спсѣ́ мо́емъ: ѿкъ призрѣ́ на смиренїе́ ра́вы свое́а: сѣ бо, ѿннѣ́ о́ублаж́атъ мѣ́ вси рóди: ѿкъ сотвори́ мнѣ́ вели́чїе́ сїльнн, и стò ѿмъ е́гò: **Превѣ́сть** же мрѣ́имъ съ нѣю ѿкъ трн̑и мѣ́и и возврати́са въ до́мъ сво́й.

**По 50-м псалме:**

**Слава:** Молитвами Богородицы, Милостиве, очисти множества согрешений наших.

**И ныне:** Молитвами Богородицы, Милостиве, очисти множества согрешений наших.

Помилуй мя, Боже:

**Стихира, глас 6:**

Егда явление чуднаго Твоего / образа приспе, / тогда афонстии отцы, / столп огненный на мори зряще, / страхом одержими, недоумеваху. / Гавриил же, яко вторый Петр, / по морю ходя, / со слезами вопияше Тебе: / о Пресвятая, / прииди и сохрани достояние Твое / от враг ненаветно.

**Канон Пресвятей Богородице на 8, ирмосы по дважды, глас 8.**

**Песнь 1.**

**Ирмос:** Колеснищегонителя фараоня погрузи, / чудотворяя иногда, / Моисейский жезл, крестообразно поразив и разделив море, / Израиля же беглеца, пешеходца, спасе, / песнь Богови воспевающа.

**От** скверных устен хваление приими, Всенепорочная, якоже прежде Сын Твой, Бог же мой и Господь, прият две лепты вдовицы, и разрешение прегрешений моих подаждь, яко да по долгу величаю Тя.

**Ангельское** пение подобаше Тебе, Матери Божией, Творца бо сих родила еси странно. Но и от нас приими, Владычице, смиренныя сия молитвы, да поем Господеви: славно прославися в нашей немощи.

**Огустеша** воды, огустеша и волны посреде моря, носяща Твою, Богомати, икону. Утверди и мое подвигшееся сердце на камени заповедей Христовых.

**Помощница** и Покровительница была еси, Дево, обители Иверския, воев Амиры с корабли их в мори погрузивши, но потопаи в пучине милосердия Сына Твоего вся моя душевныя страсти и безчисленная моя прегрешения.

### **Песнь 3.**

**Ирмос:** Утверждей в начале небеса разумом / и землю на водах основавый, / на камени мя, Христе, заповедей Твоих утверди, / яко несть свят паче Тебе, Едине Человеколюбче.

**Утверди** сердце мое во уповании на Тя, Богомати, изми всякую гордыню и превозношение из помраченного ума моего, да вопию: несть свят, яко Господь, и несть праведен, яко Бог наш.

**Ты,** о Богомати, немощствующия препоясуеши силою, алчущия насыщаеши; посети и мою немощь и алчущаго и жаждущаго мене насыти Животнаго Хлеба, чрез Твою девственную утробу спешаго с Небесе на землю.

**Возстави,** Владычице, от земли мене, убогаго, и от гноища греховнаго воздвигни, нищаго, даждь молитву мне, молящемуся, да, величая, пою Твое заступление.

**Неплодствующий** мой ум плодоносен покажи, Благая Дево, от неплодове рождшаяся: Ты бо плодоносие всех благ явлением иконы Твоея подаеши.

### **Седален:**

**Светлое** днесь Заступницы нашея наста торжество. Да възграется тварь, да ликовствуют человечестии собори, созывает бо нас Святая Богородица видети огненосную икону Свою, лучами милости верныя просвещающую. Темже, радуящися, вопием: спаси, Госпоже, от глада, огня, меча и бед вся почитающия явление иконы Твоея.

**Слава, и ныне, тойже.**

### **Песнь 4.**

**Ирмос:** Ты моя крепость, Господи, / Ты моя и сила, / Ты мой Бог, / Ты мое радование, / не оставль недра Отча / и нашу нищету посетив. / Тем с пророком Аввакумом зову Ти: / силе Твоей слава, Человеколюбче.

**Покры** Небеса добродетель Твоя, Богомати, и хвалы Твоея исполнися земля, но положи любовь державную крепости Твоея и на мне, отчаянном.



**У**готовляючи шествие чудней иконе Твоей, даде бездна глас свой, воздвижеса солнце, и сияние ея яко свет бысть, но Ты изшла еси на спасение людей, спасти Твое наследие пришла еси.

**У**слышавше слух пришествия Твоего, иноцы убояшася; уразумевше же дела Твоя, ужасошася, но вегда смутитися души моей, милость Твою помяни, Владычице, да взываю: слава заступлению Твоему, Богомати.

**Т**ы еси моя крепость и сила, Богородице, Тобою почию в день скорби моя, и из страны пришельствия взыду Тобою в Небесное наследие, и возрадуюся о Господе и Бозе, Спасе моем.

### **Песнь 5.**

**Ирмос: В**скую мя отринул еси / от лица Твоего, Свете незаходимый, / и покрыла мя есть чуждая тьма, окаяннаго, / но обрати мя и к свету заповедей Твоих / пути моя направи, молюся.

**В**иждь, Чистая, от ноци утренюющия люди паствы Твоя, икону Твою Богохвальную обстояющия, разрешения же грехов просящия, и жития исправления, и Божественныя славы причастия: не отрини убо нас от лица Твоего, Света незаходимаго Мати.

**В**сею душею и мыслию в пастве Твоей вси сликующе, псалмы, и песньми духовными, и пением Божественным икону Твою почитают, прощения грехов просяще и душ спасения. Ты же, исцеление наше сущи, сия вся подаждь, Владычице Богоневесто.

**Х**рам Твой, Дево, яко рай другий показася ныне, яко древо жизни имея икону красоты Твоя, юже вси усердно со благоговением и любовию целующе, взываем: Владычице, мир даждь нам, Владычице, стяжи нас, иного бо разве Тебе утешения не вемы.

**Р**еку Тя сладкую и поток насыщения, манну небесную, изобилие и благодать приснотекущую во обители Твоей живущии стяжавше, поют Рождество Твое, Отроковице.

### **Песнь 6.**

**Ирмос: О**чисти мя, Спасе, / многа бо беззакония моя, / и из глубины зол возведи, молюся: / к Тебе бо возопих, и услыши мя, / Боже спасения моего.

**В** скорби сердца вопию ти, Владычице, житейскаго моря потопляем бурею, к Тебе, яко тихому пристанищу, прибегаю: возведи от тли живот мой.

**Б**ездна последняя грехов обыде мя, и исчезает дух мой, но простри, Владычице, высокую Твою мышцу и, яко Гавриила, и мене, ко Твоей иконе прибегающа, невредима сотвори.

**Н**е отрини мене до конца от лица Твоего, Мати незаходимаго Света, не попусти мне погрязнути в пучине беззаконий, но возведи мене от блата страстей, да взыдет из истления живот мой и пожру Тебе со гласом хваления и исповедания.

Храм носяй телесный весь осквернен, Тебе, Пречистому храму Вечнаго Слова, дерзаю в честном храме Твоем, пред Твоею святою иконою приносить смиренные моя молитвы. Ты же, яко Милостивая, очисти мя Твоим благоутробием.

### **Кондак, глас 8:**

Аще и в море ввержена бысть святая икона Твоя, Богородице, / от вдовицы, не могущия спасти сию от врагов, / но явилася есть хранительница Афона и вратарница обители Иверския, / враги устрашающая и в православней Российской стране чтущия Тя / от всех бед и напастей избавляющая.

### **Икос:**

В столпе огненне явльшуюся Богоматере икону видевши, возопиша постников иверских лица: о Владыко, сподоби нас прияти икону Матере Твоея во утешение странствия нашего; ты же, Гаврииле, дерзай и вниди в море, и приими во объятия твоя сокровище, нам являемое, да будет нам страж неусыпный, покров же, и радость всем христианом, и хранительница, от бед и напастей избавляющая.

### **Песнь 7.**

**Ирмос: Божия низхождения / огонь устыдеса в Вавилоне иногда, / сего ради отроцы в печи радованною ногою, / яко во цветнице ликующе, пояху: / благословен еси, Боже отец наших.**

Согрешихом, беззаконновахом, неправдовахом пред Господем, но, Владычице моя Богородице, яко Благая угаси огонь Его праведнаго гнева Твоим теплым ходатайством, да поем Ему: отец наших Боже, благословен еси.

В печи искушений и бед опаляемая ороси, Богомати, струями Твоих щедрот, да посрамятся врази наши и да разумеют вси, яко Ты едина еси Владычица Богородица, по всей вселенней славимая.

Престоле Царя славы, честнейшая херувим, одушевленный храм, в немже вселися Господь, твердь небесная, на нейже возсия Солнце правды, Христос, Тя поем, Богомати, и превозносим во вся веки.

Ты еси веселие и в пустынях живущим, Ты еси и стольнаго града утешение и похвала, Дево Марие, препетая и превозносимая во веки.

### **Песнь 8.**

**Ирмос: Седмерицею пещь / халдейский мучитель / Богочестивым неистовно разжже, / силою же лучшею спасены сия видеви, / Творцу и Избавителю вопияше: / отроцы, благословите, / священницы, воспойте, / людие, превозносите во вся веки.**

Поют Тя ангельския силы, превозносит человеческий род, благословит Тя вся тварь, Пречистая Дево Богородице. Приими и от мене, недостойнаго, приносимое Тебе хваление.

Пойте, иноцы Афона, благословляй, земле Иверская, превозноси, вся страна Российская, Благую Владычицу, реки чудес от Своея чудотворныя иконы

источающую. Хвалим, благословим, покланяемся Ти, Богородице, поюще и превозносяще во вся веки.

**Подобием** иконы Иверския не точию святыи Афон просвещается, но и стольный град Москва украшается, от того чудесную помощь приемля и источник утешения в нем обретая.

**Еще** и страна Новгородская и инии грады и веси подобием Иверския иконы Твоея, Владычице, освятишася и чудесы просветишася, вопиюще: Господа пойте и превозносите во вся веки.

### **Песнь 9.**

**Ирмос:** Ужасеся о сем небо и земли / удивишася концы, / яко Бог явися человеком плотски / и чрево Твое бысть пространнейшее небес. / Тем Тя, Богородицу, / ангелов и человек чиноначалия величают.

**Тайна** глубины Рождества Твоего ум ангельский ужасает, Дево, и пречистая икона Твоя демоны прогоняет, не терпяще бо взирати на силу ея, бегают и исчезают. Мы же той любезно покланяемся и облобызаем и Тя, Богородицу, величаем.

**Приидите** вси, поклонимся, припадем и возвеличим Божию Матерь, призревшую на нас, смиренных, алчущия исполняющую благ и положившую с нами завет милости во явлении Своея дивныя иконы.

**Богородице** Дево, упование христианом, пробави и нашему роду милости Твоя, бывшия отцем нашим, покрый и соблюди нас от всякаго зла.

**О** всемилостивая христианом Помощнице, не может Тя воспети достойно язык человеческий и ангельский, яко всея твари честнейшую и земных славнейшую, но прими милостивно сие приносимое Тебе от нас моление и спасай нас всегда, на Тя бо упование возложихом.

### **Ексапостиларий:**

**Икону** Твою всечестную приим Гавриил во объятия, вопияше Тебе, Владычице: о сладкая Мати Царя Христа, буди покров Твоей обители, радость же всем христианом и споручница жизни вечныя.

### **На хвалитех стихиры на 4, глас 4:**

**О**, несказанныя благости! / О, славнаго явления иконы Богоматере, / яже сияет чудесы / и просвещает благодатию верно приходящия! / Юже с веселием приемлюще, / Чистую Богоотроковицу / достодолжно песньми почитаем и ублажаем.

**О**, преславнаго Твоего о нас, / Владычице, промысления! / Чудную бо Твою икону / Афону посылаеши / и яко стража нам неусыпна / тую подаеши милостивно / и утешение странствию нашему. / Темже, познавше Твоя честная чудеса, / песньми Тя величаем.

**О**, преславнаго чудесе! / Како огненосная икона на волнах морских, / яко на колеснице носится, / светлыми лучами благодати умы просвещаючи; / еяже торжество песньми почитающе радостно, / славу возсылаем Богородительнице.

**Слава, и ныне, глас 4:**

**Т**вой глагол исполняя, Богомати, / праведный Гавриил немокренно по воде морстей пешешествова / и, восприим священную икону Твою, / лик песенный состави и торжество с постники афонскими совокупи. / Темже и мы, удивляющесе, / вопием Первовиновному: / слава Тебе, сотворшему дивная, / Единому Царю и Богу, / молитв ради Богородицы! / Сохрани люди христианския и победы на враги даруй, яко Всесилен.

**Славословие великое и отпуст.**

## На Литургии:

### Блаженны от канона, песнь 3-я и 6-я.

- 1.** Утверди сердце мое во уповании на Тя, Богомати, изми всякую гордыню и превозношение из помраченного ума моего, да вопию: несть свят, яко Господь, и несть праведен, яко Бог наш.
- 2.** Ты, о Богомати, немощствующия препоясуеши силою, алчущия насыщаеши; посети и мою немощь и алчущаго и жаждущаго мене насыти Животнаго Хлеба, чрез Твою девственную утробу сшедшаго с Небесе на землю.
- 3.** Возстави, Владычице, от земли мене, убогаго, и от гноища греховнаго воздвигни, нищаго, даждь молитву мне, молящемуся, да, величая, пою Твое заступление.
- 4.** Неплодствующий мой ум плодоносен покажи, Благая Дево, от неплодове рождаемая: Ты бо плодоносие всех благ явлением иконы Твоя подаеши.
- 5.** В скорби сердца вопию ти, Владычице, житейскаго моря потопляем бурей, к Тебе, яко тихому пристанищу, прибегаю: возведи от тли живот мой.
- 6.** Бездна последняя грехов обыде мя, и исчезает дух мой, но простри, Владычице, высокую Твою мышцу и, яко Гавриила, и мене, ко Твоей иконе прибегающа, невредима сотвори.
- 7.** Не отрини мене до конца от лица Твоего, Мати незаходимаго Света, не попусти мне погрязнути в пучине беззаконий, но возведи мене от блата страстей, да взыдет из истления живот мой и пожру Тебе со гласом хваления и исповедания.
- 8.** Храм носяй телесный весь осквернен, Тебе, Пречистому храму Вечнаго Слова, дерзаю в честном храме Твоем, пред Твоею святою иконою приносить смиренныя моя молитвы. Ты же, яко Милостивая, очисти мя Твоим благоутробием.

### Тропарь Богородице, глас 1:

Дерзость ненавидящих образ Господень / и держава нечестивых безбожно в Никею прииде, / и посланнии безчеловечно вдовицу, благочестно чтущую икону Богоматере, / истязуют, но тая нощию с сыном икону в море пусти, вопиющи: / слава Тебе, Чистая, яко непроходимое море плещи своя подаде, / слава правошествию Твоему, Едина Нетленная.

### Ин тропарь, глас тойже:

От святых иконы Твоя, о Владычице Богородице, / исцеления и цельбы подаются обильно, / с верою и любовию приходящим к ней. / Тако и мою немощь

посети / и душу мою помилуй, Благая, / и тело исцели благодатию Твоею, Пречистая.

### Кондак, глас 8:

Аще и в море ввержена бысть святая икона Твоя, Богородице, / от вдовицы, не могущия спасти сию от врагов, / но явилася есть хранительница Афона и вратарница обители Иверския, / враги устрашающая и в православней Российстей стране чтущия Тя / от всех бед и напастей избавляющая.

### Прокимен, песнь Богородицы, глас 3:

**Прокимен:** Величитъ дша моа гда, и возрадовася дхъ мой ѡ вѣѣ спсѣ моѣмъ:

**Стих:** ѿкѡ призрѣ на смиреніе рабы своеа: се бо, ѡнѣ ѡувлажатъ мѧ вси рѡди:

### Апостол к филипписиом, зачало 240.

Братіе, Сіе бо да мѡдрствуетса въ васъ, еже и во хрѣтѣ іисѣ: иже, во ѡбразѣ вѣи сій, не восхищеніемъ непцевѧ быти равенъ вѣ: но себѣ ѡумалилъ, зракъ раба пріймъ, въ подобіи чловѣчестѣмъ бѣвъ, и ѡбразомъ ѡбрѣтеса ѿкоже чловѣкъ: смирилъ себѣ, послѣдивъ бѣвъ даже до смѣрти, смѣрти же крѣтныа. Тѣмже и вѣ ѡго превознесѣ и дарова ѡмъ ѿма, еже паче всѧкаго ѿмене, да ѡ ѿмени іисовѣ всѧко колѣно поклонѣтса нѣбныхъ и земныхъ и пренспѡднихъ, и всѧкъ ѡзыкъ исповѣсть, ѿкѡ гдѣ іисъ хрѣтѡсъ въ славу бѣа оца.

**Аллилуиа, глас 8:** Слыши, Дщи, и виждь, и приклони дхо Твое.

**Стих:** Анцѧ Твоеиѡ помолѡтса богати людстни.

### Евангелие Луки, зачало 54.

Во время оно: Бысть же ходѧщымъ ѿма, и самъ видѣ въ весь нѣкѡ: жена же нѣкаа ѿменемъ мѡрѡа прѣйтъ ѡго въ домъ свой: и сестра ѡй вѣ нарицаемаа маріа, ѿже и сѣдши при ногѣ іисовѣ, слышаше слово ѡго. Мѡрѡа же мѡлѡваше ѡ мнѡзѣ слѡжѣ, стѡвши же рече: гди, не врежѣши ли, ѿкѡ сестра моа ѡдинѡ мѧ ѡстѡви слѡжити; рцы ѡубо ѡй, да ми помѡжетъ. ѡвѣщавъ же іисъ рече ѡй: мѡрѡо, мѡрѡо, печѣшиа и мѡлѡвши ѡ мнѡзѣ, ѡдино же ѣсть на потрѣвѣ. Маріа же блѡгѡу часть ѡзвѣра, ѿже не ѡиметса ѡ неа. Бысть же ѡгда гѡлаше сѡа, воздвѣгши нѣкаа женѡ гласъ ѡ народа, рече ѡмѡ: блѡжено чрево носѡвшее тѡа, и сосца, ѿже ѡси сѡалъ. ѡнѡ же рече: тѣмже ѡубо блѡжѣни слышѡщѣи слово вѣте и хранѡщѣи ѡ.

**Причастен:** Чѡшѡ спнѡа прѣимѡ и ѿма гдѣне призовѡ:

Ведомо буди, яко празднование Пресвятей Богородице святыя ради Ея иконы Иверския творится октября в 13-й день, февраля в 12-й день и во вторник Светлыя седмицы по уставу святаго Благовещения.